



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

01.06.2016թ.

Ո Ր Ո Շ ՈՒ Մ

«Գնումների բողոքարկման խորհրդի

թիվ 53/16

«Գնումների բողոքարկման խորհրդի (այսուհետ նաև՝ խորհուրդ) բողոքը քննող հանձնաժողովը՝ գործելով խորհրդի անունից, քննելով «ԷՅՋԻ Տպարան» ՍՊԸ-ի 13.05.2016թ ներկայացրած բողոքը (այսուհետ նաև՝ ԳԲԽ-53/16 բողոք) և կից փաստաթղթերը, «Կաշտպանության նախարարության 26.05.2016թ. թիվ ԴՎԱ/1411 գրությունը և կից փաստաթղթերը, «ԳԱԿ-ՇՀԱՇՁԲ-15/3-ՀՀՊՆՆՏԱԴ-ՇՀԱՇՁԲ-14/1» ծածկագրով ընթացակարգին վերաբերող փաստաթղթերը և ԳԲԽ-53/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 30.05.2016թ. ներկայացրած եզրակացությունը, պարզեց հետևյալը.

1. «ԷՅՋԻ Տպարան» ՍՊԸ-ի ներկայացրած փաստերը, հիմնավորումները և պահանջը

«ԷՅՋԻ Տպարան» ՍՊԸ-ն (այսուհետ նաև՝ Ընկերություն) 13.05.2016թ. ներկայացրած բողոքով հայտնել է, որ Ընկերությունը մասնակցել է ՀՀ կաշտպանության

նախարարության (այսուհետ նաև՝ Պատվիրատու) կողմից կազմակերպած «ԳԱԿ-ՇՀԱՇՁԲ-15/3-ՀՀՊՆՆՏԱԴ-ՇՀԱՇՁԲ-14/1» ծածկագրով ընթացակարգին (այսուհետ նաև՝ Ընթացակարգ), որի շրջանակներում 15.04.2016թ. www.armeps.am կայքի միջոցով էլեկտրոնային եղանակով, հաջողությամբ հայտ է ներկայացրել:

10.05.2016թ. Պատվիրատուի կողմից Ընկերությունը տեղեկացվել է, որ վերջինիս հայտը մերժվել է 15.04.2016թ.՝ հայտը ներկայացնելու օրվա դրությամբ Ընկերության մոտ ժամկետանց հարկային պարտավորությունների առկայության պատճառով:

Ըստ «ԷՅՋԻ Տպարան» ՍՊԸ-ի՝ հայտը մերժվել է՝ հիմք ընդունելով Օրենքի 5-րդ հոդվածի 1-ին մասի 2-րդ կետի դրույթները, համաձայն որի Ընկերությունը 15.04.2016թ. դրությամբ ունի ժամկետանց հարկային պարտավորություններ՝ հարկերի և պարտադիր սոցիալական վճարների գծով:

Ընկերությունը բողոքով հայտնել է, որ Ընկերության կողմից կատարվել է հարկերի և այլ պարտադիր վճարների վերահաշվարկ, որի արդյունքում «ԷՅՋԻ Տպարան» ՍՊԸ-ն 15.04.2016թ. դրությամբ չունի հարկային պարտավորություններ, որին ի հավաստումն՝ Ընկերությունը բողոքին կից ներկայացրել է ՀՀ ԿԱ պետական եկամուտների կոմիտեի Շենգավիթ հարկային տեսչության կողմից 12.05.2016թ. տրված տեղեկանքը առ այն, որ Ընկերությունը 15.04.2016թ. դրությամբ չունի ժամկետանց հարկային պարտավորություն ՀՀ պետական բյուջեի նկատմամբ:

Ընկերությունը վկայակոչել է «Գնումների մասին» ՀՀ օրենքի 31-րդ հոդվածի 2-րդ մասի 1-ին կետի դրույթները, համաձայն որի «ԷՅՋԻ Տպարան» ՍՊԸ-ի հայտը չպետք է մերժվեր և Ընկերությունը պետք է ճանաչվեր Ընթացակարգի 1-ին տեղ զբաղեցրած մասնակից:

Ընկերությունը բողոքով ՀՀ գնումների բողոքարկման խորհրդին խնդրել է դադարեցնել Ընթացակարգի գնահատող հանձնաժողովի՝ «ԷՅՋԻ Տպարան» ՍՊԸ-ի հայտը մերժելու մասին որոշումը:

Ընկերությունը, պատշաճ ծանուցված լինելով ԳԲԽ-53/16 բողոքը քննող հանձնաժողովի 19.05.2016թ. ժամը 17:30-ին կայացած նիստի վերաբերյալ, չի ապահովել իր ներկայացուցչի մասնակցությունը:

2. ՀՀ պաշտպանության նախարարության կողմից բողոքի վերաբերյալ ներկայացված փաստերը, հիմնավորումները և դիրքորոշումը

ՀՀ պաշտպանության նախարարությունը 26.05.2016թ. թիվ ԴՎԱ/1411 գրությամբ ներկայացրել է «ԳԱԿ-ՇՀԱՇՁԲ-15/3-ՀՀՊՆՆՏԱԴ-ՇՀԱՇՁԲ-14/1» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող անհրաժեշտ փաստաթղթերը:

Պատվիրատուն վերոհիշյալ գրությամբ հայտնել է նաև, որ ՀՀ պաշտպանության նախարարության կարիքների համար տպագրական աշխատանքների ձեռքբերման նպատակով կազմակերպված Ընթացակարգի հայտերի բացման նիստից հետո, սահմանված կարգով, ՀՀ ֆինանսների նախարարություն հարցում է ներկայացվել առաջին և հաջորդաբար տեղ զբաղեցրած մասնակիցների՝ ՀՀ պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների վերաբերյալ: ՀՀ ֆինանսների նախարարության կողմից ստացված՝ ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև Կարգ) 48-րդ կետով նախատեսված համապատասխան եզրակացության համաձայն՝ «ԷՅՋԻ Տպարան» ՍՊԸ-ն հայտը ներկայացնելու օրվա դրությամբ ուներ ժամկետանց հարկային պարտավորություններ:

Հիմք ընդունելով նշված հանգամանքը՝ Ընթացակարգի գնահատող հանձնաժողովը որոշել է մերժել Ընկերության հայտը և 1-ին տեղ զբաղեցրած մասնակից ճանաչել տվյալ չափաբաժինների մասով հաջորդ տեղ զբաղեցրած մասնակիցներին:

3. ԳԲԽ-53/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 30.05.2016թ. եզրակացությունը և առաջարկել է՝ «ԷՅՋԻ Տպարան» ՍՊԸ-ի 13.05.2016թ. ներկայացրած բողոքը բավարարել. դադարեցնել «ԳԱԿ-ՇՀԱՇՁԲ-15/3-ՀՀՊՆՆՏԱԴ-

ՇՀԱՇՁԲ-14/1» ծածկագրով շրջանակային համաձայնագրերի միջոցով գնում կատարելու ընթացակարգի գնահատող հանձնաժողովի 10.05.2016թ. ժամը 11:00-ի նիստի թիվ 4 արձանագրության 1.2-րդ կետով կայացված «ԷՅՋԻ Տպարան» ՍՊԸ-ի հայտը մերժելու մասին որոշումը:

4. ԳԲԽ-53/16 բողոքի քննության համար էական նշանակություն ունեցող փաստերը

ԳԲԽ-53/16 բողոքի քննության համար էական նշանակություն ունեն հետևյալ փաստերը՝

1. ՀՀ պաշտպանության նախարարության կողմից ՀՀ պաշտպանության նախարարության կարիքների համար տպագրական աշխատանքների ձեռքբերման նպատակով կազմակերպվել է «ԳԱԿ-ՇՀԱՇՁԲ-15/3-ՀՀՊՆՆՏԱԴ-ՇՀԱՇՁԲ-14/1» ծածկագրով շրջանակային համաձայնագրերի միջոցով գնում կատարելու ընթացակարգ:

2. «ԷՅՋԻ Տպարան» ՍՊԸ-ն ՀՀ պաշտպանության նախարարության կողմից ՀՀ պաշտպանության նախարարության կարիքների համար տպագրական աշխատանքների ձեռքբերման նպատակով կազմակերպված «ԳԱԿ-ՇՀԱՇՁԲ-15/3-ՀՀՊՆՆՏԱԴ-ՇՀԱՇՁԲ-14/1» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **15.04.2016թ.** հայտ է ներկայացրել:

3. Ընկերությունը հայտի N 2 հավելվածով հայտնել և հավաստել է, որ **հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:**

4. Ընթացակարգի գնահատող հանձնաժողովի 19.04.2016թ. ժամը 15:00-ի նիստի թիվ 3 արձանագրությամբ կայացված որոշմամբ «ԷՅՋԻ Տպարան» ՍՊԸ-ն ճանաչվել է 1-ին տեղ զբաղեցրած մասնակից Ընթացակարգի թվով 6 չափաբաժինների մասով:

5. Պատվիրատուն ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված

տվյալների ճշտման մասին 03.05.2016թ. կատարված հարցմամբ, խնդրել է տրամադրել տեղեկատվություն «ԷՅՋԻ Տպարան» ՍՊԸ-ի վերաբերյալ:

6. ՀՀ ֆինանսների նախարարության կողմից 05.05.2016թ. Պատվիրատուին տրամադրվել է եզրակացություն, համաձայն որի՝ **«ԷՅՋԻ Տպարան» ՍՊԸ-ն հայտը ներկայացնելու օրվա դրությամբ (15.04.2016թ.) ունի ժամկետանց հարկային պարտավորություն 491 379 ՀՀ դրամի չափով:**

7. Ընթացակարգի գնահատող հանձնաժողովը 10.05.2016թ. ժամը 11:00-ի նիստի թիվ 4 արձանագրության 1.2-րդ կետով կայացված որոշմամբ «ԷՅՋԻ Տպարան» ՍՊԸ-ի հայտը մերժել է:

8. «ԷՅՋԻ Տպարան» ՍՊԸ-ն ՀՀ գնումների բողոքարկման խորհրդին 13.05.2016թ. ներկայացրած բողոքին կից ներկայացրել է ՀՀ ԿԱ ՊԵԿ Շենգավիթի հարկային տեսչության կողմից 12.05.2016թ. տրված տեղեկանքը, համաձայն որի **«ԷՅՋԻ Տպարան» ՍՊԸ-ն 15.04.2016թ.՝ հայտը ներկայացնելու օրվա դրությամբ չունի ժամկետանց հարկային պարտավորություն ՀՀ պետական բյուջեի նկատմամբ:**

9. «Գնումների աջակցման կենտրոն» ՊՈԱԿ-ը 20.05.2016թ. թիվ 02/04.1/1969-16 գրությամբ դիմել է ՀՀ ԿԱ պետական եկամուտների կոմիտեին, խնդրելով հայտնել, թե «ԷՅՋԻ Տպարան» ՍՊԸ-ն **15.04.2016թ. դրությամբ (հայտը ներկայացնելու օրվա դրությամբ)** ունեցել է արդյոք ժամկետանց հարկային պարտավորություններ ՀՀ պետական բյուջեի նկատմամբ, թե ոչ:

10. Ի պատասխան Կենտրոնի 20.05.2016թ. թիվ 02/04.1/1969-16 գրության՝ ՀՀ ԿԱ պետական եկամուտների կոմիտեն 01.06.2016թ. թիվ 1/6-1/16780-16 գրությամբ հայտնել է, որ ՀՀ ԿԱ ՊԵԿ հարկային ծառայության տեղակատվական բազայում 26.05.2016թ. դրությամբ «ԷՅՋԻ Տպարան» ՍՊԸ-ն 15.04.2016թ. չունի ժամկետանց հարկային պարտավորություններ ՀՀ պետական բյուջեի նկատմամբ:

5. Խորհրդի հիմնավորումները և եզրահանգումը

Խորհուրդն, ուսումնասիրելով «ԷՅՋԻ Տպարան» ՍՊԸ-ի 13.05.2016թ. ներկայացրած բողոքը, 26.05.2016թ. թիվ ԴՎԱ/1411 գրությունը, ՀՀ ԿԱ ՊԵԿ Շենգավիթի հարկային

տեսչության կողմից 12.05.2016թ. տրված տեղեկանքը և կից փաստաթղթերը, հայտնում է հետևյալը:

Օրենքի 31-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է իր կողմից հաստատված հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի 1-ին ենթակետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երեք աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Սույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է:

«ԷՅՋԻ Տպարան» ՍՊԸ-ն ՀՀ պաշտպանության նախարարության կողմից ՀՀ պաշտպանության նախարարության կարիքների համար տպագրական աշխատանքների ձեռքբերման նպատակով կազմակերպված «ԳԱԿ-ՇՀԱՇՁԲ-15/3-ՀՀՊՆՆՏԱԴ-ՇՀԱՇՁԲ-14/1» ծածկագրով շրջանակային համաձայնագրերի միջոցով գնում կատարելու ընթացակարգի մասնակցության **15.04.2016թ.** հայտի N 2 հավելվածով հայտնել և հավաստել է, որ **հայտը ներկայացնելու օրվա դրությամբ չունի ժամկետանց պարտքեր ՀՀ հարկային և պարտադիր սոցիալական ապահովության վճարների գծով:**

Պատվիրատուն, ՀՀ ֆինանսների նախարարությանն ուղղված Կարգի 47-րդ կետի 1-ին ենթակետով նախատեսված տվյալների ճշտման մասին 03.05.2016թ. կատարված հարցմամբ, խնդրել է տրամադրել տեղեկատվություն «ԷՅՋԻ Տպարան» ՍՊԸ-ի վերաբերյալ, որին ի պատասխան՝ ՀՀ ֆինանսների նախարարության կողմից ստացվել է եզրակացություն, համաձայն որի՝ **«ԷՅՋԻ Տպարան» ՍՊԸ-ն հայտը ներկայացնելու օրվա դրությամբ (15.04.2016թ.) ունի ժամկետանց հարկային պարտավորություն 491 379 ՀՀ դրամի չափով:**

Հիմք ընդունելով ՀՀ ֆինանսների նախարարության կողմից տրամադրված եզրակացությունը, համաձայն որի Ընկերությունը հայտը ներկայացնելու օրվա դրությամբ ունի ժամկետանց հարկային պարտավորություն, Ընթացակարգի գնահատող հանձնաժողովը 10.05.2016թ. ժամը 11:00-ի նիստի թիվ 4 արձանագրության 1.2-րդ կետով կայացված որոշմամբ «ԷՅՋԻ Տպարան» ՍՊԸ-ի հայտը մերժել է:

Ընկերությունը 13.05.2016թ. ներկայացված բողոքով հայտնել է, որ ՀՀ ֆինանսների նախարարությունից ստացված եզրակացությունը չի համապատասխանում իրականությանը, քանի որ օրենսդրությամբ սահմանված կարգով կատարվել է հարկերի և պարտադիր այլ վճարների վերահաշվարկ, որի արդյունքում «ԷՅՋԻ Տպարան» ՍՊԸ-ն հայտը ներկայացնելու օրվա դրությամբ չունի ժամկետանց հարկային պարտավորություն:

Ընկերությունն, ի հավաստումն իր պնդմանը, ներկայացրել է ՀՀ ԿԱ ՊԵԿ Շենգավիթի հարկային տեսչության կողմից 12.05.2016թ. տրված տեղեկանքը, **համաձայն որի Ընկերությունը 15.04.2016թ. դրությամբ (հայտը ներկայացնելու օրվա դրությամբ) չունի ժամկետանց հարկային պարտավորություններ:**

«Գնումների աջակցման կենտրոն» ՊՈԱԿ-ը 20.05.2016թ. թիվ 02/04.1/1969-16 գրությամբ դիմել է ՀՀ ԿԱ պետական եկամուտների կոմիտեին, խնդրելով հայտնել, թե «ԷՅՋԻ Տպարան» ՍՊԸ-ն **15.04.2016թ. դրությամբ (հայրը ներկայացնելու օրվա դրությամբ)** ունեցել է արդյոք ժամկետանց հարկային պարտավորություններ ՀՀ պետական բյուջեի նկատմամբ, թե ոչ:

Ի պատասխան Կենտրոնի 20.05.2016թ. թիվ 02/04.1/1969-16 գրության՝ ՀՀ ԿԱ պետական եկամուտների կոմիտեն 01.06.2016թ. թիվ 1/6-1/16780-16 գրությամբ հայտնել է, որ **ՀՀ ԿԱ ՊԵԿ հարկային ծառայության տեղակարգական բազայում 26.05.2016թ. դրությամբ «ԷՅՋԻ Տպարան» ՍՊԸ-ն 15.04.2016թ. չունի ժամկետանց հարկային պարտավորություններ ՀՀ պետական բյուջեի նկատմամբ:**

Կարգի 48-րդ կետի 1-ին ենթակետը սահմանում է, որ եթե ՀՀ ֆինանսների նախարարության կողմից տրամադրված **եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա հայրերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայրը մերժվում է:**

Այսպիսով, Խորհուրդն արձանագրում է, որ Ընկերության կողմից ՀՀ գնումների բողոքարկման խորհրդին ներկայացվել է ՀՀ ԿԱ ՊԵԿ Շենգավիթի հարկային տեսչության կողմից 12.05.2016թ. տրված տեղեկանքը, **համաձայն որի Ընկերությունը 15.04.2016թ.-ի՝ հայրը ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:**

Միևնույն ժամանակ ՀՀ ԿԱ պետական եկամուտների կոմիտեն Կենտրոնին ուղղված 01.06.2016թ. թիվ 1/6-1/16780-16 գրությամբ հայտնել է, որ ՀՀ ԿԱ ՊԵԿ հարկային ծառայության տեղակարգական բազայում 26.05.2016թ. դրությամբ «ԷՅՋԻ Տպարան» ՍՊԸ-ն 15.04.2016թ. չունի ժամկետանց հարկային պարտավորություններ ՀՀ պետական բյուջեի նկատմամբ:

Այսպիսով, հիմք ընդունելով վերոգրյալը, Խորհուրդը գտնում է, որ Ընկերության՝ Ընթացակարգի գնահատող հանձնաժողովի՝ «ԷՅՋԻ Տպարան» ՍՊԸ-ի հայտը մերժելու վերաբերյալ որոշումը դադարեցնելու պահանջը հիմնավոր է և ենթակա է բավարարման:

Ելնելով վերոգրյալից/ և ղեկավարվելով «Գնումների մասին» ՀՀ օրենքի 48-րդ հոդվածի 5-րդ մասով՝ ՀՀ գնումների բողոքարկման խորհուրդը

Ո Ր Ո Շ Ե Ց

«ՏԴ» Դոնսկոյ Ագրոխիմ Ցենտր» ՍՊԸ-ի 16.05.2016թ. բողոքը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

Բողոքը քննող հանձնաժողով՝

Անդամներ՝



Վարդանյան Սեդրակ



Հովհաննիսյան Ռուզաննա